

**Damna Chu**

**Nang'a Ahi**



## Damna Chu Nang'a Ahi

Housatna, chihna, minthanna chule adang tamtah mihiem ten anei vang uvin, koiman, kipana, chamna le lungmonna chuleh damtheina alhangpin aneijoupoi.



Mihem ten abolthei chan in chamna le lungmonna munading in sum le pai, chuleh leiset nupsah na ajat choum chom in ahol un amavang amujou deh po uve. Hiche cheng hin lhagao'a

kichol theilouna, dammona chule thinna alhun sah ahi akihet thiem ji pouve.


Pathien'in mihiem te asiem chun, ama limp u seh a asiem hilou in, ama mel pua jong ana siem a, chuleh kipana, chamna le lungmona, damthiena chule tonsot hinna toh anasiem tha ahi. Amavang hiche mihiem ten Pathien thupeh apal keh uva, chonsietna'a alhah niu va pat chun hiche phat thei nacheng ho chu alha so uvin, thinna, lunghemna, boldam theilou natna ho soh in atahsa chung uvah ahung lhung tan ahi.




Lou le ai, damdoi jat chom chom, lhagao boh nodoh nachan aum vangin damthieng na tahbeh mihiem ten



aneï thei tapoi. Loi le ai tamtah aum vangin natna jong ajat choum chom ahung um doh kit in lou le ai thiem doctor ho ding in lhohsat nale lungboina tam tah ahung umdoh tan ahi. Hitabang dingmun ahin lungkhamna le lunboina mihiem ten anei in, hiche 21<sup>st</sup> century doctor (lou le ai thiem ho) hin kanat nale kadammo naho hi adm sah jou nadiuvem tin mitam tah lungboi na chu ahi.




Loilegoul teho, hiche ho sudam theia a damthiengna dih tah napethei mikhat aume. Ama kom chu tahsan na neitah in hinjon lechun amn dam thei na tahbeh napeh ding ahi. Amachu doctor ho lah'a doctor chung nung pen ahi. Chuleh amin Jesu ahi. Jesun hitin aseï'e, "Keïma nanat



na ho jousea kon damsah Pathen chu kahi" (Exd. 15:26). "... ama kijepna maha chun eiho eidam sah tauve"; "amatah in ehatmonao alan, inat na jouseu apo mangtai"; (Isa. 53:5; Matt. 8:17). Aman eiho eïkou un, hitin aseï'e, "tonggim te le pohgih te kakom'ah hung un keïman nangho cholsah unge ati"

(Matt. 11:28). Jesun chonsietna, dammona, gaosapna chule thinna gaal ajouin tonsot in ahing jing'e. chule koi hile ama tahsan jouse hiche gaal jona chu pe inge ati!

Lungkisih pum'a Pakai kom'a nachonsiet naphondoh a, ama nahuh hing pua nakisan le, aman nangma nangaidam kiuseh hilou'a, nalhagao chouldu na jong



pea, nanatna lamang'a tahsa damthieng na napeh ding ahi.

“Nachonsetnau ngaidam'a nanat naho jouseu damsah pa,” “Thinna

kokhuh akon nahinkho huh doh pa” (Psa. 103:3,4). “Aman thu

apen chule adam sah tai; thinna

kon ahuh doh tauve” (Psa. 107:20). Pathien thun hitin aseie, “aman eiho chonset jouse atahsa chungga apon thingleh geijin apodoh tan ahi; ama kijep n a mahaa chu nangho kiboldama nahitauve”

(I Peter 2: 24).

Jesun damlouho khoto nale lungset na anei'in. aman elbai mi som asudam in. kumsot tah athisan a long nu jong adam sah e. koi hile adammo napuma Jesu kom hinbel



jouses, dam thiengna anei soh kei uve. Mitcho kho amusah in, nangong kho ajah sah in, paothei louho apao sah in, chatmo ho lam ajot sah in ahi. Athi jong athoudoh e. Jesu hi aema tih'a kikhiehlou ahi. Tunin chanin ami suh dam na thei thahat na aum jinge.

Loi le ai thiem hon Natasha bou ajan dam thei u ahi. Amavang hiche manbeia kipa van a Pathien midam sah nathei thahat nahin, natahsa kie hilou in, na lungthim, na lhagao chule adang nangaichat chen adam sah thei ahi.

Tunia dam thiengna nanei nom le hungin pakai komah. Epi natna hijong leh, lou le ai thiem hon adam sah jou lou natna hijong le, pPakai komah seplhan lang nahinkho pumpi ama komah pelut in chuteng aman nadamsah ding ahi. Pathien misuh dam thieng theina thahat tahsan pum in hiche taona hi mangin:

“Pakai Jesu, Nangma calvary cross chung'a kachonsiet jeh boua thi hilou in, kadam mo na jong dam sah nading'a thi nahi katahsan e. name lungsiet nachun kachonset na ngaidam in lang, neidamsah tan. Tonsot a damthieng thei na chu nei petan. Keima nacha deitah thienna hinkho mang din kahung kipe doh tai. Amen.”





